



**PANDUAN
PELAKSANAAN PERINTAH KAWALAN PERGERAKAN
UNIVERSITI TEKNOLOGI MALAYSIA
BERKUATKUASA MULAI 18 MAC 2020 HINGGA 31 MAC 2020**

Panduan ini dikeluarkan dengan merujuk kepada:

- i. Perutusan Khas YAB Perdana Menteri mengenai pelaksanaan Perintah Kawalan Pergerakan,
- ii. FAQ Majlis Keselamatan Negara (MKN),
- iii. Pekeliling Jabatan Perkhidmatan Awam (JPA)
- iv. Garis Panduan Pengendalian Isu-isu Berhubung Penularan Wabak Covid-19 Bagi Universiti Awam (UA) dan Institusi Pendidikan Tinggi Swasta (IPTS) Mulai 18 Mac hingga 31 Mac 2020,
- v. Pandangan staf dan pelajar UTM.

1. PENUTUPAN OPERASI UTM

Semua operasi di UTM melibatkan pejabat, makmal dan Pusat Tanggungjawab (PTJ) adalah ditutup sepenuhnya. Semua staf adalah layak diberi pelepasan bekerja dari rumah. Namun, Ketua-ketua PTJ perlu membuat penyelarasan bagi memastikan proses kerja tetap berfungsi sebaik mungkin terutama bagi operasi *essential* dan kritikal.

Arahan bertugas oleh Ketua-ketua PTJ perlu merujuk kepada **Panduan Khas Bekerja Dari Rumah Berkuatkuasa Dengan Perintah Kawalan Pergerakan Mulai 18 Mac 2020 hingga 31 Mac 2020 Bawah Akta Pencegahan dan Pengawalan Penyakit Berjangkit 1988 dan Akta Polis 1967.**

2. BEKERJA DARI RUMAH

Semua staf di semua kampus adalah diwajibkan bekerja dari rumah (work from home) mulai 18 Mac hingga 31 Mac 2020. Bagi PTJ yang menawarkan perkhidmatan *essential* dan kritikal, staf boleh dikehendaki hadir ke kampus dan Ketua PTJ bertanggungjawab mengatur jadual giliran.

Tempoh waktu bekerja bagi staf yang bekerja dari rumah ditetapkan bermula 8:30 pagi hingga 5:30 petang dan mereka mestilah boleh dan sedia dihubungi oleh Penyelia/Dekan/Ketua Jabatan dalam jangkamasa tersebut. Staf tidak perlu merekodkan kehadiran keluar masuk di kampus. Rekod kehadiran akan dikemas kini secara automatik oleh Jabatan Pendaftar.

Sila rujuk maklumat lanjut panduan khas arahan pelaksanaan 'Bekerja dari Rumah' (*Work from Home*) yang dikeluarkan oleh Jabatan Pendaftar.

3. ANJAKAN KE HADAPAN CUTI PERTENGAHAN SEMESTER SESI 2019/2020

Kalender akademik yang asal menetapkan cuti semester akan bermula dari 29 Mac hingga 4 April 2020 (minggu ke-lapan). Namun, pihak Universiti telah memutuskan untuk menganjukkan cuti pertengahan semester lebih awal kepada 22 Mac hingga 28 Mac 2020 (minggu ke-tujuh). Ini ditambah dengan cuti khas Kawalan Pergerakan sehingga 31 Mac 2020.

Selaras dengan itu, aktiviti akademik akan kembali beroperasi pada 1 April hingga 19 April 2020 secara dalam talian/*online*. Pelajar boleh memilih untuk kembali ke kampus atau berada di kampung masing-masing. Ini tertakluk kepada arahan Kerajaan dari semasa ke semasa.

4. PENJADUALAN SEMULA PEPERIKSAAN DIPLOMA

Jadual peperiksaan Program Diploma dan pelaksanaan lain-lain aktiviti yang melibatkan staf dan pelajar perlu dijadual semula dengan merujuk kepada perubahan kalendar akademik seperti berikut:

Peperiksaan akhir pelajar Diploma akan disambung semula pada 2 hingga 17 April 2020. Perlu juga dimaklumkan bahawa terdapat perubahan kepada cuti semester bagi program Diploma yang mana tarikh barunya adalah 19 April hingga 19 Jun 2020.

5. PENEMPATAN PELAJAR

Semua pelajar tempatan dan luar negara diberi pilihan untuk balik ke kampung/negara masing-masing atau terus menginap di kolej. Bagi pelajar tempatan yang pulang ke kampung, pelajar perlu disaring sebaik kembali ke UTM bagi memastikan bebas daripada sebarang simptom Covid-19. Pelajar perlu memaklumkan kepada Pengetua Kolej sama ada akan tinggal di kolej atau pulang ke kampung masing-masing. Sila rujuk sistem online.

Pelajar luar negara boleh pulang ke negara masing-masing namun tidak boleh kembali ke Malaysia dalam tempoh kuatkuasa Perintah Kawalan Pergerakan. Sila rujuk Perintah Kawalan Pergerakan.

6. PEMBATALAN SEMUA AKTIVITI AKADEMIK

Semua aktiviti akademik di UTM termasuk peperiksaan, viva, aktiviti pembangunan pelajar, aktiviti makmal, kerja lapangan (*field work*) serta penyelidikan adalah dibatalkan bermula 18 Mac hingga 31 Mac 2020. Semua aktiviti berkaitan perlu dijadual semula oleh pihak bertanggungjawab.

7. PEMBELAJARAN DALAM TALIAN/ONLINE

UTM akan melaksana pembelajaran secara *online* sepenuhnya sejurus bermula semester kedua iaitu pada 1 April hingga 19 April 2020. Dalam tempoh tersebut, pelajar yang pulang bercuti boleh mengikuti PnP dari rumah atau lokasi masing-masing. Tarikh ini boleh berubah tertakluk kepada perkembangan semasa wabak Covid-19 dan mengikut arahan kerajaan.

Bantuan berkaitan pembelajaran secara *online* boleh diperolehi melalui Pusat Setempat Pembelajaran dan Pengajaran Online UTM: <https://olc.utm.my> atau email kepada olc@utm.my

8. PEMBATALAN MESYUARAT/ MAJLIS/ SEMINAR/ BENGKEL/ LAWATAN DAN PERHIMPUNAN

Semua acara yang melibatkan perhimpunan besar dan berisiko kepada penularan jangkitan hendaklah dibatalkan dengan pertimbangan yang wajar tanpa menjejaskan nama baik Universiti Teknologi Malaysia.

Penerimaan pelawat dari dalam dan luar negara adalah ditangguhkan. Mesyuarat yang kritikal boleh dilaksana secara *online*.

9. WAKTU PERKHIDMATAN PERPUSTAKAAN

Perkhidmatan semua perpustakaan UTM termasuk Bilik Belajar 24 jam akan ditutup mulai 18 Mac hingga 31 Mac 2020. Sepanjang penutupan, perkhidmatan secara online akan disediakan mengikut keperluan pengguna. Sebarang pertanyaan dan khidmat runding maklumat boleh dimajukan kepada lib-enquiryjb@utm.my atau lib-enquirykl@utm.my. Perpustakaan dijadual akan dibuka semula pada 1 April 2020 dengan masa penutupan lebih awal iaitu pada pukul 7.00 malam pada hari bekerja dan 5.00 petang pada hujung minggu.

10. LALUAN MASUK DI SEMUA KAMPUS UTM

Di kampus Skudai, hanya dua pintu utama dibuka (Pintu 1: Pintu Utama dan Pintu 5: Sri Pulai). Manakala di kampus Pagoh dan Kuala Lumpur, hanya pintu utama sahaja dibuka. Staf, pelajar serta orang luar perlu menjalani pemeriksaan keselamatan/penyaringan kesihatan di checkpoint di pintu masuk.

Semua warga perlu mematuhi arahan daripada Bahagian Keselamatan dan warga boleh menghubungi Balai keselamatan UTM di talian 07-55330014 (24 jam) bagi maklumat semasa.

11. OPERASI PERKHIDMATAN MAKANAN DAN PENGANGKUTAN

Semua kafeteria dan kedai serbaneka berhampiran kolej kediaman pelajar akan beroperasi dengan pelaksanaan perkhidmatan terhad kepada penghantaran makanan atau 'take away' sahaja. Kafeteria di bangunan akademik pula hanya menyediakan perkhidmatan penghantaran sahaja. Makan di dalam premis kafeteria adalah tidak dibenarkan.

UTMFleet menyediakan pengangkutan khas pulang ke kampung namun ini bergantung kepada permintaan persatuan anak negeri dan tertakluk kepada kapasiti UTMFleet. Bagi urusan kecemasan dan berkaitan pengangkutan, pelajar boleh menghubungi hotline UTMFleet di talian 019-7293154 (UTMJB); 013-7957822 atau 018-2215110 (UTMKL).

12. PENUTUPAN MASJID UTM

Masjid UTMJB dan UTMKL akan ditutup sepanjang tempoh 18 Mac hingga 31 Mac 2020. Semua staf dan pelajar diminta untuk melaksanakan ibadah solat di kediaman masing-masing.

13. URUSAN DI PREMIS KHIDMAT AWAM UTM

Masyarakat sekitar luar UTM adalah tidak dibenarkan untuk mengunjungi premis khidmat awam seperti bank, pejabat pos dan lain-lain yang terdapat di dalam kampus. Sebaliknya mereka hendaklah mencari alternatif lain di luar kawasan kampus UTM.

14. PERKHIDMATAN PUSAT KESIHATAN UNIVERSITI (PKU)

Pemeriksaan kesihatan (*medical screening* bagi pendaftaran pelajar baru), x-ray dan rawatan fisioterapi ditangguhkan sehingga diberitahu kelak.

Namun, waktu operasi PKU dalam tempoh Perintah Kawalan Pergerakan adalah seperti berikut bagi perkhidmatan kesihatan yang lain:

Hari Bekerja: 8 pagi hingga 5 petang

Hari Minggu: 8.30 pagi hingga 12.30 petang (Pemeriksaan kesihatan berkaitan Covid-19 tidak dijalankan di PKU pada hari minggu)

Warga UTM diminta ke bahagian kecemasan di hospital kerajaan berdekatan bagi pemeriksaan kesihatan berkaitan Covid-19 pada hari minggu. Berikut adalah hospital berdekatan kampus:

Kampus Skudai: Hospital Sultanah Aminah, Johor Bahru

Kampus Pagoh: Hospital Pakar Sultanah Fatimah, Muar

Kampus Kuala Lumpur: Hospital Kuala Lumpur

Perlu dimaklumkan juga hanya kes kecemasan sahaja yang akan diterima oleh PKU selepas waktu operasi yang dinyatakan dan warga boleh menghubungi talian berikut: 07-5530999.

15. PENGURUSAN RISIKO

Pejabat Quality and Risk Management (QRiM) bertanggungjawab memastikan semua langkah-langkah pencegahan telah diambil untuk mengurangkan risiko Covid-19 yang mematuhi peraturan antarabangsa seperti yang telah digariskan oleh Pusat Kawalan dan Pencegahan Penyakit Eropah. Risiko bencana ini telah di daftarkan dalam Daftar Risiko Strategik UTM.

16. SEBARAN MAKLUMAT RASMI UTM

Seluruh warga UTM dinasihatkan untuk sentiasa menyemak status terkini tentang penularan wabak Covid-19 melalui saluran rasmi berikut:

i. Email UTM

ii. UTM Community Facebook: <https://www.facebook.com/groups/utmcommunity/>

iii. Website: <https://www.utm.my/covid19/>

atau menghubungi nombor talian UTM Covid-19 Hotline seperti berikut:

UTMJB Hotlines: 010-800 1337 atau 011-3334 0646

UTMKL Hotline: 016-7962100

LAMPIRAN

Talian untuk dihubungi yang mana terpakai dalam tempoh Perintah Kawalan Pergerakan

	Pusat Bertanggungjawab	Maklumat untuk dihubungi	Keterangan
1	Pusat Kesihatan (PKU)	07-5530999	
2	UTM Covid-19 Hotlines	010-800 1337 (UTMJB) 011-3334 0646 (UTMJB) 016-7962100 (UTMKL)	
3	Keselamatan	07-55330014	
4	UTMFleet (Pengangkutan)	019-7293154 (UTMJB) 013-7957822 (UTMKL) 018-2215110 (UTMKL)	
5	Bahagian Sumber Manusia	016-7300969 (UTMJB) 013-6526767 (UTMJB) 012-6348914 (UTMKL)	
6	Pembelajaran <i>Online</i>	https://olc.utm.my atau olc@utm.my	Berkaitan proses PnP secara <i>online</i>
7	Perpustakaan	lib-enquiryjb@utm.my atau lib-enquirykl@utm.jb .	Berkaitan perkhidmatan di perpustakaan
8	Fasiliti dan utiliti	07-55300111	Berkaitan aduan kerosakan fasiliti dan utiliti
9	Hal Ehwal Pelajar	07 5530279 (UTMJB) 07 5530265 (UTMJB) 03 26154282 (UTMKL)	Berkaitan kemudahan pelajar
10	Hal Ehwal Akademik	07-5530351 (UTMJB) 019-7405204 (UTMJB) 03-21805183 (UTMKL) 012-7520087 (UTMKL) 03-26154388 (SPACE) 019-6025643 (SPACE)	Berkaitan pertukaran kredit, subjek, peperiksaan dan berkaitan